

La Staziun di Verdabosc d'Al Plan lascia al savèi che la **Sessiun Forestala 2015** vègn tignida por les trèi fraziuns dl Comun da San Martin en dedolönesc ai 20 de jenà dales 9.30 a San Martin tl salf di stödafeuch, por tratè chisc argomènc: Laurs fac en regia y program di laurs 2015; marcé y prisc dl lignan; catalogh dles prestaziuns dla forestala; mudaziuns de cultura dla contrada (esperienzes); dagns ai trus y manutenziun; desvalies. Düc é bel invia.

I saç dal ciomènt é da jì a tò te comun dai 12 ai 30 de jenà (*ciarede ultima plata*)

Iscriziuns ala scolina 2015/16: a San Martin ai 19 y 20 de jenà dales 14.30 ales 15.30; a Lungiarü ai 19 y 21 de jenà dales 9.00 ales 10.00 (*ciarede ultima plata*)

Les **iscriziuns ala pröma tlassa dla scora elementara** vègn tutes sö te dötes les scores dla direziun d'Al Plan ai 19 de jenà, dales 14.45 - 15.45 (*ciarede ultima plata*)

PLOANIES DA SAN MARTIN Y LUNGIARÜ

Düc i geniturs che à n pice möt da batié, pèrs che aspeta, toç y totes de nosc decanat é invia ala **preparaziun al Bato**, che vègn tignida en sabeda ai 24 de jenà dales 15.00 ales 17.00, te salf di stödafeuch a San Martin. Prenotaziuns 0474 523 274.

SAN MARTIN

I Stödafeuch da San Martin rengrazièia dèr bel düc chi che à de na spèna de buna man, che nes daidarà curi les spèises de nosc sorvise.

LUNGIARÜ

La Uniun dl Sport Lungiarü lascia al savèi ch'al vègn dauri le **ciamp dla dlacia** en mertesc, jöbia y vèndres dales 14.30 - 16.30. - - - - -

Le Raiun Sozial Val Badia organisèia na sèra d'informaziun y discusiun dal titul **Violenza nella terza età – Wenn der Geduldsfaden reißt** cun l'avocata dr.a Marcella Pirrone. Al gnarà tratè les chestiuns: Co conèscion pa la violènza cuntra porsones atèmpades? Cionà é pa la violènza fisica o psichica? Ci poi pa iö fà decuntra o por daidè? Invià é chi che ti fej le guern a familiars a ciasa, le personal spezialisé tla cura, doturs y düc i interessà. I s'incuntun en dedemesaledema ai 21 de jenà dales 19.30 tl Raiun Sozial a Picolin. Düc é invia



Pice quiz sön le vangele do S. Merch por la Domènia dla Bibla

Le vangele do S. Merch é le plü vedl di cater vangeli: Can é pa gnü scrit? ☐ incèr l'ann 40 ☐ incèr l'ann 70 ☐ incèr l'ann 100

La letöra di vangeli vègn partida sö sön trèi agn: A, B, C

Tl ann B vègnel lit en gran pert le vangele ☐ do S. Jan? o ☐ do S. Merch?

Co intitolèia pa le vangelist Merch súa relaziun sura la vita de Gejù?

☐ Storia de Gejù da Nazaret o ☐ Vangele de Gejù Crist, le Fi de Dì.

Gejù vèiga sön spona dl lech de Galilea i jogn Scimun y Andrè: Ci ti dijel pa?

☐ Gnide ca, gnide do a mé! o ☐ Convertisse, cherdede al vangele!

Ci dij pa Gejù do ch'al à cuntè la parabola dl somenadù?

Chèl che à orèdles da aldì, ☐ dess aldì! o ☐ dess s'les tigni pro!

Ci dij pa le comandant di soldas do la mort de Gejù?

☐ Abtreten, marsch! o ☐ Veramènter, chësc chestian é le Fi de Dì.

18.1. - 25.1.2015 - nr. 8

Plata dla Cöra

termo por publiché: jöbia dales 20.00 **de San Martin y Lungiarü**

2ª Domènia ia por l'ann B

Jan 1,35-42

Canche Gejù é passè dan ia,
à Jan ôt súa odlada sön èl y à dit:

Ciarede l'Agnel de Dì!

I dui discepuì à aldì ci ch'al à dit,
y ti é jüs do à Gejù.

Mo Gejù s' à ôt,

y canch'al à odü ch'ai ti jò do,
i àl damanè: **Ci orèise pa?**

Ai ti à dit: Rabbi, olà abitèieste pa?

Al à respognü: **Gnide y odede!**

Dailò ési jüs impara y à odü olach'al abitâ, y é romagnüs chël dé pro d'èl;
al é incèr les cater domisdé.

Gnide y odede!

chësc invit ti sporj Gejù a chi che é arjignà da se lascè ite sön èl. Gejù ne ti respogn nia ai discepuì ala domanda do l'abitaziun, mo al i invièia.

Al domanda di discepuì ne dà les parores degöna risposta.

La risposta ciafunse pormò sc'i tohun sö l'invit de Gejù.



Olà abitèieste pa?

Olà sta pa Chèl Bel Dì?

*Olà l'incunti pa? Olà poi pa l'esperimentè
ch'i po jì a ti cuntè ai atri:*

I à incuntè le Messia.

*A chësta domanda pon ti respogne
te deplü manires.*

*Öna na risposta podess ester: Tl'oraziun.
Y chësc ti dëssun ti splighé ai mituns
le plü adora ch'ara va.*

	SAN MARTIN		LUNGIARÜ
18.1.15 2^a Domënia ia por l'ann B <i>Domënia dla Bibla</i>	9.00 Corona 9.30 Gran Mëssa dla comunité	18.1.15 Domënia	8.00 Corona 8.15 Gran Mëssa dla comunité en onù de Sant Antone + Vito Clara + Ida Verginer + Rudi Moling
19.1.15 Lönesc <i>Marius, Heinrich</i>	<i>Edema de oraziun por l'unité di cristians</i>	19.1.15 Lönesc	<i>Edema de oraziun por l'unité di cristians</i>
20.1.15 Dedolönesc <i>Bostian, Fabian</i>	16.00 Mëssa a Picolin en onù de San Bostian aniv. Mariangel Tavella + + Sepl y Dorotea Gasser	20.1.15 Mertesc	
21.1.15 Dedemesaledema <i>Agnes, Meinrad</i>		21.1.15 Mercui	7.30 Mëssa fam. Rungger, Feur 2 ^a de sopoltöra de Ivo Sorà aniv. Elena Clara
22.1.15 Jöbia <i>Vinzenz, Walter</i>	7.30 Mëssa + + de Hilda Sottara + Pire Sorà + + Fonjo y Milia Zingerle Corona por vocaziuns	22.1.15 Jöbia	
23.1.15 Vëndres <i>Heinrich Seuse</i>	19.00-20.00 Adoraziun eucaristica chîta	23.1.15 Vëndres	7.30 Mëssa 3 ^a de sopoltöra de Franz Frednademetz + + Giovanni y Herta Clara + + Sepl y Maria Clara
24.1.15 Sabeda <i>Francësch da Sales</i>	15.30 Mëssa tla Cîasa de Palsa 18.30 Mëssa prefestia fam. de Paola Moling Zingerle + Maria Unterweger + Cristina Conrater	24.1.15 Sabeda	20.00 Mëssa prefestia aniv. Pire Daporta + Anna Chiusura (dla Uniun) + Franz Clara, mone
25.1.15 3^a Domënia ia por l'ann B <i>Domënia di mas media</i>	<i>Festa de Sant Ujöp Freinademetz</i> 9.00 Triduum a onù de S. Ujöp Fr. 9.30 Mëssa solëna dla comunité en onù de Sant Ujöp Fr.	25.1.15 Domënia	8.00 Corona 8.15 Gran Mëssa dla comunité en onù de Sant Ujöp Freinademetz